



Inatsisartunut ilaasortaq
Akitsinnguaq Olsen
Inuit Ataqatigiit

Angallannikkut isumannaallisaaneq aamma angallannikkut isuman- naallisaanermik ilinniartitsineq pillugit apeqquaqammut akissut

Inatsisartut suleriaasianni § 36, imm. 1 naapertorlugu aqqusinermi angallannikkut isumannaassuseq atuarfimmilu tamanna pillugu atuartitsineq pillugit apeqquaqarputit.

Naalakkersuisut apeqqutinut ima akissutissaqarput:

Apeqqut: Meeqqat atuafianni atuartut aallarteqqaajunerusut ilinniartinneranni aqqusinermi angallannikkut isumannaassuseq illoqarfinnilu angallannerni nalinginnaasumik ileqqorisassat pillugit Naalakkersuisut ilinniagassatut ilanngunnissaat iluatinnartutut uattulli isumaqarfigaat? Maannakkorpiarlu ataatsimut isigalugu angallannikkut isumannaallisaaneq eqqarsaatigalugu pitsaaliuinissaq Naalakkersuisunit pisariaqartinneqarpa?

Akissut: Angallannermi nalinginnaasumik ileqqorisassat pingaartumillu aqqusinermi angallannikkut isumannaassuseq pillugit atuartitsineq atuarfimmi atuartitsinermi pinngitsoorani ilinniagassatut ilaareerpoq, Atuarfimmi atuartitsissutini atuartitsissutinilu qanitariissuni alloriarfiit siunertaat kiisalu atuartitsissutit siunertaat ilikkagassatullu anguniagassat pillugit Namminersornerullutik Oqartussat nalunaarutaat nr. 16, 24. juuni 2003-meersoq naapertorlugu.

Nalunaarummi qulaani taaneqartumi § 34, imm. 1-imi atuartitsinerup siunertaani allassimavoq "atuartut tunngaviummik ilisimasaqarfigilissavaat atuarfimmi, angerlarsimaffimmi, inuiaqatigiinni avatangiiserisani pinngortitamilu isumannaassuseq."

Tamatuma saniatigut piumasaqaataareerpoq nukarliit atuafianni atuartitaareernerminni nammineq anguniagassat pilersaaruserinermi samminerani naatsorsuutigineqarpoq "atuartut isumannaallisaanermi imminnut allanullu angerlarsimaffimmi, atuarfimmi atuafiullu avataani, angallannermi pinngortitamilu ilaatillugit, isumannaallisaanermut malittarisassat atorsinnaassagaat" (Takuuk Atuarfimmi atuartitsissutini atuartitsissutinilu qanitariissuni alloriarfiit siunertaat kiisalu atuartitsissutit siunertaat ilikkagassatullu anguniagassat pillugit Namminersornerullutik Oqartussat nalunaarutaanni nr. 16-imi, 24. juuni 2003-meersumi § 35, imm. 1, punkt 6. a)

10. august 2009
Sags nr. 2007-003194
Dok.nr.213409

Postboks 1029
3900 Nuuk
Oq/tel +299 34 50 00
Fax +299 32 20 73
Kiiip-mail@gh.gl
www.nanoq.gl/kiiin

Atuarfimmi atuartitsinermi tunngaviulluinnarpoq atuartitsinerup najukkami pissutsit atuartullu tunngavii pisariaqartitaalu aallaavigalugit pilersaarusiorneqarnissaa. Angallannikkut isumannaassuseq pillugu atuartitsineq najukkami politeeqarfiit suleqatigalugit najukkamilu angallannikkut pissutsit aallaavigalugit pisarpoq. Illoqarfinni annerusuni angallanneruneq soorunami sumiiffinnut minnerusunut sanilliullugu angallannikkut isumannaassuseq pillugu atuartitsinermut allatigut ilinniartitsinissamik piumasaqaateqarfiuvoq, Naalakkersuisulli isumaqarput tamatumuuna inatsisit tamakkiisumik naammareersut.

Taamaattumik maanna angallannikkut isumannaassutsimi immikkut suliniarnissamik salliutitsinissamik pilersaaruteqanngillat.

Ikinngutinnersumik inuulluaqqusillunga

Mimi Karlsen